

頻伽大藏經

九洲圖書出版社

頻

伽

大

藏

經

所通知若非所通知是爲

摩地門若常若無常是爲戲論觀陀羅尼

尼門若樂若苦是爲戲論觀摩地門若我若無我是爲戲論

若不淨是爲戲論。觀陀羅尼門若不淨上爲戲論。觀三昧

不取靜是爲被論。視三分地門若遠。雖若若無我。是爲戲論。

新編三才圖會

有是所畏知在夫所遠矣夫食座中曰

不當持重常是色慾語概無十無原解附

天

大基
若無我星

無相
解脫
知
不寂靜
若無我見

五不立離人爲我論觀李解脫門若是所通知生爲戲論

上為波論者現皆在何處可破也破好也若常不空維是

明地 帝皇現任王位 帝皇常言 朕常上為民論理

聖地亞哥

處地無我足爲慰而慰

脫離垢地乃在法空地若淨得不離地

行不鄉師是爲勝論親侮喜地

不御所是爲靜嘉親王

頻伽大藏經第四十一冊目錄

○瑜伽師地論續前

本地分續前

卷第四十三(四一・一) 卷第四十四(四一・一〇) 卷第四十五(四一・一九) 卷第四十六(四一・二七) 卷第四十七(四一・三六) 卷第四十八(四一・四七) 卷第四十九(四一・六〇) 卷第五十(四一・七〇)

攝決擇分

卷第五十一(四一・八一) 卷第五十二(四一・九〇) 卷第五十三(四一・九七) 卷第五十四(四一・一〇六) 卷第五十五(四一・一一六) 卷第五十六(四一・一二五) 卷第五十七(四一・一三四) 卷第五十八(四一・一四六) 卷第五十九(四一・一五六) 卷第六十(四一・一六四) 卷第六十一(四一・一七五) 卷第六十二(四一・一八四) 卷第六十三(四一・一九〇) 卷第六十四(四一・一九七) 卷第六十五(四一・二〇六) 卷第六十六(四一・二一四) 卷第六十七(四一・二二二) 卷第六十八(四一・二三〇) 卷第六十九(四一・二三七) 卷第七十(四一・二四七) 卷第七十一(四一・二五六) 卷第七十二(四一・二六三) 卷第七十三(四一・二七〇) 卷第七十四(四一・二七八) 卷第七十五(四一・二八七) 卷第七十六(四一・二九八) 卷第七十七(四一・三〇六) 卷第七十八(四一・三一五) 卷第七十九(四一・三二七) 卷第八十(四一・三三六)

攝釋分

卷第八十一(四一・三四九) 卷第八十二(四一・三五七)

攝異門分

卷第八十三(四一・三六四) 卷第八十四(四一・三七四)

攝事分

卷第八十五(四一・三八四) 卷第八十六(四一・三九三) 卷第八十七(四一・四〇〇)
四) 卷第八十八(四一・四一六) 卷第八十九(四一・四二八) 卷第九十(四一・四三八)
卷第九十一(四一・四四九) 卷第九十二(四一・四六〇) 卷第九十三(四一・四七〇)
卷第九十四(四一・四八〇) 卷第九十五(四一・四九〇) 卷第九十六(四一・五〇〇)
卷第九十七(四一・五一二) 卷第九十八(四一・五二二) 卷第九十九(四一・五三四)
卷第一百(四一・五四五)

○菩薩地持經

十卷 彌勒菩薩說 北涼曇無讖譯

四一・五五五

初方便處

卷第一(四一・五五五) 卷第二(四一・五六五) 卷第三(四一・五七四) 卷第四(四一・五八四) 卷第五(五九三) 卷第六(四一・六〇一) 卷第七(四一・六〇八) 卷第八(四一・六二四)

次法方便處

卷第八續前

卷第九(四一・六三四)

畢竟方便處

卷第十(四一・六五七)

○決定藏論

三卷 彌勒菩薩說 梁真諦譯

四一・六六八

卷上(四一・六六八) 卷中(四一・六七七) 卷下(四一・六八六)

○王法正理論

一卷 彌勒菩薩說 唐玄奘譯

四一・六九六

○顯揚聖教論

二十卷 無著菩薩造 唐玄奘譯

四一・七〇五

攝事品第一(四一・七〇六) 攝淨義品第二(四一・七四二)

瑜伽師地論卷第四十三

彌勒菩薩說

三藏法師玄奘奉

詔譯

本地分中菩薩地第十五初持瑜伽處靜慮品第十三
云何菩薩靜慮波羅蜜多。嘔柁南曰

自性一切難。一切門善士。一切種遂求。二世樂清淨。如是九種相。名略說靜慮。
謂九種相靜慮。名為菩薩靜慮波羅蜜多。一者自性靜慮。二者一切靜慮。三者難行靜慮。四者一切門靜慮。五者善士
靜慮。六者一切種靜慮。七者遂求靜慮。八者此世他世樂靜慮。九者清淨靜慮。云何菩薩自性靜慮。謂諸菩薩於菩薩
藏聞思爲先。所有妙善世出出間心一境性。心正安住。或奢摩他品。或毗鉢舍那品。或雙運道。俱通二品。當知卽是菩
薩所有靜慮。自性云何。菩薩一切靜慮。謂此靜慮略有二種。一者世間靜慮。二者出世間靜慮。當知此二隨其所應復
有三種。一者現法樂住靜慮。二者能引菩薩等持功德靜慮。三者饒益有情靜慮。若諸菩薩所有靜慮。遠離一切分別
能生身心輕安。最極寂靜。遠離橋舉。離諸愛味。泯一切相。當知是名菩薩現法樂住靜慮。若諸菩薩所有靜慮。能引能
住種種殊勝。不可思議。不可度量。十力種姓所攝等持。如是等持一切聲聞及獨覺等。不知其名。何況能入。若諸菩薩
所有靜慮。能引能住一切菩薩解脫勝處。遍處無礙。解無諍願智等。共諸聲聞所有功德。當知是名能引菩薩等持功
德靜慮。菩薩饒益有情靜慮。有十一種。如前應知。謂諸菩薩依止靜慮。於諸有情。能引義利。彼彼事業。與作助伴。於有
苦者。能爲除苦。於諸有情。能如理說。於有恩者。知恩知惠。現前酬報。於諸怖畏。能爲救護。於喪失處。能解愁憂。於有匱
乏。施與資財。於諸大衆。善能匡御。於諸有情。善隨心轉。於實有德。讚美令喜。於諸有過。能正調伏。爲物現通。恐怖引攝。
如是一切總名菩薩一切靜慮。此外無有若過若增。云何菩薩難行靜慮。謂此靜慮略有三種。若諸菩薩已能安住廣
大殊勝。極善成熟。多所引發。諸靜慮住。隨自欲樂。捨彼最勝諸靜慮樂。慙有情故。等觀無量利有情事。爲諸有情義利
成熟。故意思擇。還生欲界。當知是名菩薩第一難行靜慮。若諸菩薩依止靜慮。能發種種無量無數不可思議超過一

切聲聞獨覺所行境界菩薩等持。當知是名菩薩第二難行靜慮。若諸菩薩依止靜慮。速證無上正等菩提。當知是名菩薩第三難行靜慮。云何菩薩一切門靜慮。謂此靜慮略有四種。一者有尋有伺靜慮。二者喜俱行靜慮。三者樂俱行靜慮。四者捨俱行靜慮。云何菩薩善士靜慮。謂此靜慮略有五種。一者無愛味靜慮。二者慈俱行靜慮。三者悲俱行靜慮。四者喜俱行靜慮。五者捨俱行靜慮。云何菩薩一切種靜慮。謂此靜慮六種。七種。總十三種。言六種者。一者善靜慮。二者無記變化靜慮。三者奢摩他品靜慮。四者毗鉢舍那品靜慮。五者於自他利正審思惟靜慮。六者能引神通威力功德靜慮。言七種者。一者名緣靜慮。二者義緣靜慮。三者止相緣靜慮。四者舉相緣靜慮。五者捨相緣靜慮。六者現法樂住靜慮。七者能饒益他靜慮。如是十三種名爲菩薩一切種靜慮。云何菩薩遂求靜慮。謂此靜慮略有八種。一者於諸毒藥霜雹毒熱鬼所魅等種種災患。能息能成呪術。所依靜慮。二者於界互違所生衆病。能除靜慮。三者於諸饑饉大災旱等現在前時。興致甘雨靜慮。四者於其種種人非人作水陸怖畏。能正拔濟靜慮。五者於乏飲食墮在曠野。諸有情類。能施飲食靜慮。六者於乏財位所化有情。能施種種財位靜慮。七者於十方界放逸有情。能正諫誨靜慮。八者於諸有情隨所生起所應作事。能正造作靜慮。云何菩薩此世他世樂靜慮。謂此靜慮略有九種。一者神通變現調伏有情靜慮。二者記說變現調伏有情靜慮。三者教誡變現調伏有情靜慮。四者於造惡者。示現惡趣靜慮。五者於失辯者。能施辯才靜慮。六者於失念者。能施正念靜慮。七者制造建立無顛倒論微妙讚頌摩怛理迦。能令正法久住靜慮。八者於諸世間工巧業處。能引義利饒益有情。種種書算測度數印牀座傘屨。如是等類種種差別資生衆具。能隨造作靜慮。九者於生惡趣所化有情。爲欲暫時息彼衆苦。放大光明照觸靜慮。云何菩薩清淨靜慮。謂此靜慮略有十種。一者由世間淨離諸愛味清淨靜慮。二者由出世淨無有染汙清淨靜慮。三者由加行淨清淨靜慮。四者由得根本淨清淨靜慮。五者由根本勝進淨清淨靜慮。六者由入住自在淨清淨靜慮。七者捨靜慮已復還證入自在淨清淨靜慮。八者神通變現自在淨清淨靜慮。九者離一切見趣淨清淨靜慮。十者一切煩惱所知障淨清淨靜慮。如是靜慮無量無邊。能得菩薩大菩提果。菩薩依此圓滿靜慮波羅蜜多。能於無上正等菩提速疾已證。當證今證。本地分中菩薩地第十五初持瑜伽處慧品第十四。

云何菩薩慧波羅蜜。多喁柁南曰

自性一切難。一切門善士。一切種遂求。二世樂清淨。如是九種相。是名略說慧。

謂九種相慧。名爲菩薩慧波羅蜜多。一者自性慧。二者一切慧。三者難行慧。四者一切門慧。五者善士慧。六者一切種慧。七者遂求慧。八者此世他世樂慧。九者清淨慧。云何菩薩自性慧。謂能悟入一切所知。及已悟入一切所知。簡擇諸法。普緣一切五明處轉。一內明處。二因明處。三醫方明處。四聲明處。五工業明處。當知卽是菩薩一切慧之自性。云何菩薩一切慧。當知此慧略有二種。一者世間慧。二者出世間慧。此二略說復有三種。一能於所知真實隨覺通達慧。二能於如所說五明處及三聚中決定善巧慧。三能作一切有情義利慧。若諸菩薩於離言說法無我性。或於眞諦將欲覺悟。或於眞諦正覺寤時。或於眞諦覺寤已後。所有妙慧最勝寂靜明了。現前無有分別離諸戲論。於一切法悟平等性。入大總相。究達一切所知邊際。遠離增益損減二邊。順入中道。是名菩薩能於所知真實隨覺通達慧。若諸菩薩於五明處決定善巧。廣說如前力種性品。應知其相。及於三聚中決定善巧。謂於能引義利法聚。能引非義利法聚。能引非義利非非義利法聚。皆如實知。於是八處所有妙慧善巧攝受。能速圓滿廣大無上妙智資糧。速證無上正等菩提。能作一切有情義利。慧有十一種。如前應知。卽於彼位所有妙慧。當知是名饒益有情慧。云何菩薩難行慧。當知此慧略有三種。若諸菩薩能知其甚深法。無我智。是名第一難行慧。若諸菩薩能了有情調伏方便智。是名第二難行慧。若諸菩薩了知一切所知境界。無障礙智。是名第三最難行慧。云何菩薩一切門慧。當知此慧略有四種。謂於聲聞藏及菩薩藏所有勝妙聞所成慧。思所成慧。於能思擇菩薩所應作應隨轉中。及菩薩所不應作應止息中。思擇力所攝慧。及修習力所攝三摩呬多地無量慧。云何菩薩善士慧。當知此慧略有五種。一聽聞正法所集成慧。二內正作意俱行慧。三自他利行方便俱行慧。四於諸法住法安立無顛倒中善決定慧。五捨煩惱慧。復有異門。一微細慧。悟入所知如所有性故。二周備慧。悟入所知盡所有性故。三俱生慧。宿智資糧所集成故。四具教慧。能於諸佛已入大地諸菩薩衆所聞法義具受持故。五具證慧。從淨意樂地乃至到究到地所攝受故。云何菩薩一切種慧。當知此慧六種。七種。總十三種。六種慧者。謂於諸諦苦智集智滅智道智。於究竟位盡智無生智。是名六慧。七種慧者。謂法智類智世俗智神通

智相智十方前行智四道理中正道理智云何菩薩遂求慧當知此慧畧有八種一依法異門智所謂菩薩法無礙慧二依法相智所謂菩薩義無礙慧三依法釋詞智所謂菩薩釋詞無礙慧四依法品類句差別智所謂菩薩辯才無礙慧五菩薩一切摧伏他論慧六菩薩一切成立自論慧七菩薩一切正訓營爲家屬家產慧八菩薩一切善解種種王正世務慧云何菩薩此世他世樂慧當知此慧畧有九種謂諸菩薩於內明處能善明淨善安住慧於醫方明處因明處聲明處世工業明處能善明淨非安住慧一切菩薩卽用如是於五明處善明淨慧以爲依止於他愚癡放逸怯弱勤修正行所化有情如其次第示現教導讚勵慶慰慧云何菩薩清淨慧當知此慧畧有十種於真實義有二種慧謂由盡所有性及如所有性取真實義故於流轉義有二種慧謂取正因果故於執受義有二種慧謂顛倒不顛倒如實了知故於方便義有二種慧謂一切所應作所不應作如實了知故於究竟義有二種慧謂雜染如實了知雜染故清淨如實了知清淨故如是菩薩五義十種差別淨慧當知是名最勝淨慧如是菩薩極善決定無量妙慧能證菩薩大菩提果菩薩依此能圓滿慧波羅蜜多速證無上正等菩提復次如是六種波羅蜜多世尊彼彼素怛纒中處處散說今於此中攝在一處畧說應知謂佛所說素怛纒中所有施波羅蜜多乃至慧波羅蜜多或標或釋彼皆於此或自性施廣說乃至或清淨施趣入攝受如其所應皆當了知如是所餘如所宣說戒乃至慧趣入攝受如其所應亦當了知又諸如來爲菩薩時所行一切菩薩行中所有無量本生相應難行苦行當知一切與施相應依止於施如說其施如是戒忍精進靜慮慧相應依止戒忍精進靜慮慧當知亦爾或唯依施廣說乃至或唯依慧或雜依二或雜依三或雜依四或雜依五或雜依一切六波羅蜜多皆應了知如是六種波羅蜜多菩薩爲證無上正等菩提果故精勤修集是大白法溟名大白法海是一切有情一切種類圓滿之因名爲涌施大寶泉池又卽如是所集無量福智資糧更無餘果可共相稱唯除無上正等菩提

本地分中菩薩地第十五初持瑜伽處攝事品第十五
云何菩薩四種攝事 嘔陀南曰

自性一切難 一切門善士 一切種遂求 二世樂清淨 如是九種相 名畧說攝事

謂九種相攝事。名爲菩薩四種攝事。一者自性攝事。二者一切攝事。三者難行攝事。四者一切門攝事。五者善士攝事。六者一切種攝事。七者遂求攝事。八者此世他世樂攝事。九者清淨攝事。云何菩薩自性愛語。謂諸菩薩於諸有情常樂宣說悅可意語。諦語。法語。引攝義語。當知是名畧說菩薩愛語。自性云何菩薩一切愛語。謂此愛語畧有三種。一者菩薩設慰喻語。由此語故菩薩恒時對諸有情遠離聲塵先發善言。舒顏平視含笑爲先。或問安隱吉祥。或問諸界調適。或問晝夜怡樂。或命前進善來。以是等相慰問有情。隨世儀轉順觀人性。二者菩薩設慶悅語。由此語故菩薩若見有情妻子眷屬財穀其所昌盛而不自知。如應覺悟以申慶悅。或知信戒聞捨慧增亦復慶悅。三者菩薩設勝益語。由此語故菩薩宣說一切種德圓滿法教相應之語。利益安樂一切有情。恒常現前以勝益語而爲饒益。是名菩薩一切愛語。差別應知云何畧說如是菩薩一切愛語。當知此語畧爲二種。一隨世儀軌語。二順正法教語。若慰喻語若慶悅語。當知是名隨世儀軌語。若勝益語。當知是名順正法教語。云何菩薩難行愛語。當知此語畧有三種。若諸菩薩於能殺害怨家惡友以善淨心無穢濁心思擇爲說。若慰喻語若慶悅語。若勝益語。當知是名菩薩第一難行愛語。若諸菩薩於其上品愚癡鈍根諸有情所心無疑慮思擇爲說種種法教誓受疲勞如理如法如善攝取。當知是名菩薩第二難行愛語。若諸菩薩於其詔詐欺誑親教軌範尊長真實福田行邪惡行諸有情所無嫌恨心無悲惱心思擇爲說。若慰喻語若慶悅語。若勝益語。當知是名菩薩第三難行愛語。云何菩薩一切門愛語。當知此語畧有四種。一欲斷諸蓋向善趣者。爲說先時所應作法。二遠離諸蓋心調善者。爲說增進四聖諦等相應正法。三在家出家多放逸者。無倒諫誨方便令其出離放逸行住不放逸行。四於諸法中多疑惑者。爲令當來離疑惑故。爲說正法論義決擇。云何菩薩善士愛語。當知此語畧有五種。謂諸菩薩爲所化生能說如來及諸菩薩有因緣法有出離法有所依法有勇決法有神變法。若所說法得處有因制立學處。是故此法名有因緣。若所說法於所受學有毀犯者。施設還淨。是故此法名有出離。若所說法四依所攝施設無倒法律正行。是故此法名有所依。若所說法能正顯示一切苦不退還行。是故此法名有勇決。若所說法作三神變一切所說終不唐捐。是故此法名有神變。云何菩薩一切種愛語。當知此語六種七種。總十三種。言六種者。一於應聽法開聽愛語。二於應制法遮制愛語。三開示諸法法門愛語。四開示無倒法相愛語。五

開示無倒訓釋諸法言詞愛語。六開示無倒法句品類差別愛語。言七種者。一慰喻愛語。二慶悅愛語。三於他有情一切資具少希欲中一切所作及以正。至少希欲中廣恣愛語。四安慰種種驚怖愛語。五如理宣說所攝愛語。六爲欲令他出不善處安住善處正見聞疑舉呵愛語。七請他有力饒益愛語。如是菩薩十三種語。當知名爲一切種愛語。云何菩薩遂求愛語。當知此語畧有八種。謂諸菩薩依四淨語起入聖語。是名菩薩遂求愛語。四淨語者。謂離妄語及以離間蟲惡綺語入聖語者。謂見言見聞言聞覺言覺知言知不見言不見不聞言不聞不覺言不覺不知言不知云何菩薩此世他世樂愛語。當知此語畧有九種。一說法斷親屬難愁憂愛語。二說法斷財位難愁憂愛語。三說法斷無病難愁憂愛語。四說法斷淨戒難衆苦愛語。五說法斷正見難衆苦愛語。六說法讚美淨戒圓滿愛語。七說法讚美正見圓滿愛語。八說法讚美軌則圓滿愛語。九說法讚美正命圓滿愛語。云何菩薩清淨愛語。當知此語有二十種。謂二十相宣說正法應知如前力種性品。云何菩薩利行。謂此利行廣如愛語。應知其相於利行中餘差別義。我今當說。謂諸菩薩由一切品差別愛語。隨說彼彼趣義利行。饒益有情故名利行。云何菩薩自性利行。謂諸菩薩由彼愛語爲諸有情示現正理。隨其所應於諸所學。隨義利行。隨法行。如是行中安住悲心無愛染心。勸導調伏安處建立。是名畧說利行。自性云何菩薩一切利行。當知此行畧有二種。一未成熟有情能成熟利行。二已成熟有情令解脫利行。卽此利行復由三門。一於現法利勸導利行。二於後法利勸導利行。三於現法後法利勸導利行。於現法利勸導利行者。謂正勸導以法業德招集守護增長財位。當知是名於現法利勸導利行。由此能令從他獲得廣大名稱及現法樂。由資具樂攝受安住於後法利勸導利行者。謂正勸導棄捨財位清淨出家受乞求行以自存活。當知是名於後法利勸導利行。由此能令決定獲得後法安樂。不必獲得現法安樂。於現法後法利勸導利行者。謂正勸導令在家者或出家者漸次修行趣向離欲。當知是名於現法後法利勸導利行。由此能令於現法中得身輕安得心輕安安樂而住於後法中或生淨天或無餘依涅槃界中而般涅槃。云何菩薩難行利行。當知此行畧有三種。若諸菩薩於先未行勝善根因諸有情所能行利行。是名第一難行利行。何以故。彼諸有情難勸導。故若諸菩薩於有善因現前執著廣大財位衆具圓滿諸有情所能行利行。是名第二難行利行。何以故。彼於廣大極放逸迹極放逸處耽著轉故若

諸菩薩於諸外道著本異道邪見邪行諸有情所。能行利行。是名第三難行利行。何以故。彼於自宗愚癡執故。於正法律憎背執故。云何菩薩一切門利行。當知此行略有四種。謂諸菩薩不信有情於信圓滿殷勤勸導。乃至建立犯戒有情。於戒圓滿殷勤勸導。乃至建立惡慧有情。於慧圓滿殷勤勸導。乃至建立慳吝有情。於捨圓滿殷勤勸導。乃至建立云何菩薩善士利行。當知此行略有五種。謂諸菩薩於真實義勸導有情。於應時宜勸導有情。於能引攝勝妙義利勸導有情。於諸有情柔輒勸導於諸有情慈心勸導。云何菩薩一切種利行。當知此行六種。七種。總十三種。云何六種。謂諸菩薩若諸有情應攝受者。正攝受之。若諸有情應調伏者。正調伏之。若諸有情憎背聖教。除其悲憫。若諸有情處中住者。令人聖教。若諸有情已入聖教。正於三乘令其成熟。若諸有情已成熟者。令得解脫。云何七種。謂諸菩薩安處一分所化有情。於善資糧守護長養。所謂或依下乘出離。或復依於大乘出離。如令所化於善資糧守護長養如是。或於遠離。或於心一境性。或於清淨諸障。或於修習作意。正安處之。若有聲聞獨覺種性。即於聲聞獨覺乘中而正安處。若有如來種姓有情。即於無上正等菩提最上乘中而正安處。云何菩薩遂求利行。當知此行略有八種。謂諸菩薩見諸有情。於應慚處爲無慚纏之所纏繞。方便開解令離彼纏。如無慚纏如是。見有於應愧處爲無愧纏之所纏繞。若憍沈纏。若睡眠纏。若掉舉纏。若惡作纏。嫉纏。慳纏。之所纏繞。方便開解令離彼纏。云何菩薩此世他世樂利行。當知此行略有九種。謂諸菩薩於他有情。依淨身業勸令遠離一切殺生。勸令遠離諸不與取。勸令遠離諸欲邪行。勸令遠離一切攀羅。若迷隸耶。及以末陀放逸處。酒。依淨語業。勸令遠離一切妄語。勸令遠離諸離間語。勸令遠離諸蟲惡語。勸令遠離一切綺語。依淨意業。勸令遠離一切貪欲。瞋恚邪見。云何菩薩清淨利行。當知此行略有十種。謂諸菩薩於諸有情依外清淨有五利行。依內清淨有五利行。云何菩薩於諸有情依外清淨有五利行。一無罪利行。二不轉利行。三漸次利行。四遍行利行。五如應利行。謂諸菩薩於諸有情雜惡行者。先惡行者。有罪行者。雜染行者。於諸善中能正安處。是名菩薩於諸有情無罪利行。又諸菩薩於諸有情不於非解脫非定清淨處求爲眞解脫求爲定清淨者。即於其中能正勸導。是名菩薩於諸有情不轉利行。又諸菩薩於諸有情先審觀察知劣慧者。爲說淺法。隨轉蟲近教授教誡。知中慧者。爲說中法。隨轉處中教授教誡。知廣慧者。爲說深法。隨轉幽微教授教誡。令其漸次修集善品。是名菩薩於諸有

情漸次利行。又諸菩薩於諸四姓乃至天人一切有情。隨力隨能行義利行求利樂者。卽於其中隨類勸導。是名菩薩於諸有情遍行利行。又諸菩薩於諸有情。若於自義諸善法品隨下中上功能差別。可勸導者及由方便功能差別。可勸導者。隨其所應。於彼如彼方便勸導。是名菩薩於諸有情。如應利行。是名菩薩於諸有情。依外清淨五種利行。云何菩薩於諸有情。依內清淨五種利行。謂諸菩薩於諸有情。起廣大悲意。樂現前而行利行。又諸菩薩於諸有情。所作業利。雖受一切大苦。劬勞而心無倦。深生歡喜。爲諸有情而行利行。又諸菩薩雖現安處最勝第一圓滿財位。而自謙下如奴如僕。亦如孝子。旃荼羅子。其心卑屈。離僞離慢。及離我執。於諸有情而行利行。又諸菩薩於諸有情。心無愛染。無有虛僞。真實哀憐而行利行。又諸菩薩於諸有情。生起畢竟無復退轉慈愍之心。而行利行。是名菩薩於諸有情。依內清淨五種利行。如是依於內外清淨各五利行。總有十種。是名菩薩清淨利行。云何菩薩同事。謂諸菩薩若於是義。於是善根勸他受學。卽於此義。於此善根。或等或增。自現受學。如是菩薩與他事同。故名同事。所化有情。知此菩薩所修。同事。便於自己受學。善根堅固。決定無有退轉。何以故。彼作是思。菩薩勸我所受學者。定能爲我利益安樂。由此菩薩所授我者。卽於其中。自現行故。無有知無利益安樂。自現行者。非諸菩薩如是同事。勸導有情。他得語言。汝自於善。不能受學。云何以善殷勤勸導。數數教授。教誠於他。汝應從他殷勤諮受。教授教誠。有諸菩薩是他同事。而不自顯與他同事。有諸菩薩非他同事。而自顯現與他同事。有諸菩薩是他同事。亦自顯現與他同事。有諸菩薩非他同事。亦不自顯與他同事。第一句者。謂有菩薩與諸菩薩功德威力皆悉平等。於菩薩道。自謂爲師。功德威力與等。菩薩隱自善故。而不顯己功德威力。第二句者。謂諸菩薩見有下劣信解。有情於甚深處。心生怖畏。便正思擇。爲欲方便化導。彼故自現己身。與其同法。所謂下於旃荼羅類。乃至狗類。欲作饒益。欲除災患。欲調欲化。故思於彼旃荼羅狗同分中。生第三句者。謂諸菩薩見所化者。所受善根。猶得搖動。爲令堅住。現與同事。或等或增。第四句者。謂諸菩薩自行放逸。棄捨他事。如是已說多種施戒廣說。乃至最後同事。其中所有波羅蜜多。能自成熟。一切佛法。所有攝事。能成熱他一切有情。當知略說菩薩一切善法作業。又如前說多種施戒廣說。乃至最後同事。如是衆多助菩提分無量善法。由三因緣應知現行。由二因緣應知最勝。由三因緣應知清淨。謂由身語意三因緣。故應知現行。彼諸善法。由廣大故。無雜染。故應

知最勝亦名無上亦名不共當知此中由有情無別故事無別故時無別故名爲廣大有情無別者謂諸菩薩普於一切有情處所普爲一切法界有情修行如是施等善根非專爲己事無別者謂諸菩薩普於一切及一切種施等善根精勤受學時無別者謂諸菩薩恒常無間不離加行不捨善軌若晝若夜現法後法卽由此因施等善根常行無替當知此中由四種相成無雜染謂諸菩薩懷歡喜心修諸善法由是因緣無苦無憂無諸變悔又諸菩薩不損惱他不著見趣不雜惡行修行施等無量善根又諸菩薩殷重徧體於其施等無量善法唯見功德唯見眞實唯見寂靜極善決定不從他緣非餘引奪而正受學又諸菩薩不因所修施等善法怖異熟果或轉輪王或天帝釋或魔或梵亦不於他怖求返報無所依止不依一切利養恭敬世俗名譽乃至不依養活身命由如是相淨歡喜俱無不平等殷重無依修行施等廣說乃至同事爲後無量善法名無雜染由熾然故無動轉故善清淨故應知青淨若諸菩薩已入清淨意樂地者一切善根熾然無動言熾然者謂此菩薩意樂淨故一切善法不由思擇熾盛現前言無動者謂此菩薩意樂淨故隨所獲得隨所積集所有善法皆無退轉於當來世能無退減如是菩薩隨所經歷彼彼日夜隨所過度彼彼自身所有善法如明分月唯增無減若諸菩薩住到究竟地或繫屬一生最後有者所有善法名善清淨此上更無菩薩地攝勝淨法故如是施等同事爲後無量善法三因緣故應知現行二因緣故應知最勝三因緣故應知青淨此中所有一切施一切戒廣說乃至一切同事若多修習若善清淨若具圓滿能感無上正等菩提金剛堅固身正法久住果此中所有難行施難行戒廣說乃至難行同事若多修習若善清淨若具圓滿能感如來成就無等希奇法果此中所有一切門施一切門戒廣說乃至一切門同事若多修習若善清淨若具圓滿能感如來一切最勝有情天人所供養果此中所有善土施善土戒廣說乃至善土同事若多修習若善清淨若具圓滿能感如來於諸有情無足二足四足多足有色無色有想無想及以非想非非想處於此一切有情類中最尊勝果此中所有有一切種施一切種戒廣說乃至一切種同事若多修習若善清淨若具圓滿能感如來無量殊勝福德所攝三十有二大丈夫相八十隨好莊嚴身果此中所有遂求施遂求戒廣說乃至遂求同事若多修習若善清淨若具圓滿能感如來坐菩提座一切魔怨不能惱觸不傾動果此中所有此世他世樂施此世他世樂戒廣說乃至此世他世樂同事若多修習若善清淨若具圓滿能

感如來最勝靜慮解脫等持等至樂果。此中所有清淨施清淨戒。廣說乃至清淨同事。若多修習若善清淨若具圓滿。能感如來四一切種清淨果。謂所依淨所緣淨心淨智淨。亦感如來三不護十力四無所畏三念住一切不共佛法極清淨果。如是菩薩施等善法。能感無上到究竟果。當知亦感生死流轉順菩薩行所餘無量無邊可愛無罪勝果。

瑜伽師地論卷第四十三

彌勒菩薩說

三藏法師玄奘奉

詔譯

本地分中菩薩地第十五初持瑜伽處供養親近無量品第十六

云何菩薩供養親近修習無量嗢陀南曰

供三寶 親善友 修無量 最爲後

云何菩薩於如來所供養如來。當知供養略有十種。一設利羅供養。二制多供養。三現前供養。四不現前供養。五自作供養。六教他供養。七財敬供養。八廣大供養。九無染供養。十正行供養。若諸菩薩親現供養如來色身。是名設利羅供養。若諸菩薩於爲如來所造一切若窠堵波若龕若臺若故制多新制多所設諸供養。是名制多供養。若諸菩薩於如來身或制多所親面對前現囑現見而設供養。是名現前供養。若諸菩薩於如來所若制多所現前施設供養具時發起增上意樂俱心淨信俱心作是思惟。若一如來法性。即是去來今世一切如來法性。若一如來制多法性。即是十方無邊無際一切世界所有如來制多法性。是故我今供現如來。即是供養其餘三世一切如來。供現制多。即是供養其餘十方無邊無際一切世界若窠堵波若龕若臺若故制多新制多。當知是名菩薩俱供現不現前一切如來。及以制多。若諸菩薩於不現前一切如來。及以制多作如來想。普爲三世一切如來一切十方如來制多施設供養。當知是名菩薩唯供不現前佛。及以制多。若諸菩薩佛涅槃後。爲如來故造立形像若窠堵波若龕若臺。隨力隨能。或一或二。

或復衆多。乃至百千俱胝等數。如是菩薩於如來所。設不現前弘廣供養。當獲無量大福德果。攝受無量廣大梵福。菩薩由此能於無量劫大劫中不墮惡趣。由是因緣。非不圓滿無上正等菩提資糧。此中菩薩唯供現前佛及制多。應知獲得廣大福果。若唯供養不現前佛。及以制多。應知獲得大大福果。若俱供養。現不現前佛。及制多。應知獲得最大福果。爲無有上。若諸菩薩於如來所。若制多所欲設供養。唯自作。不使奴婢作。使朋友僚庶親屬。不依懈惰。諸放逸處而設供養。是名菩薩自作供養。若諸菩薩於如來所。若制多所欲設供養。非唯自作。亦勸父母妻子奴婢作。使朋友僚庶親屬及他國王王子大臣長者居士若婆羅門國邑聚落饒財商主下至一切男女大小貧賤苦厄旃荼羅等。及以親教軌範諸師共住近住一切弟子同梵行者。諸出家者外道等衆。令於如來若制多所。隨力隨能作諸供養。當知是名菩薩自他咸共供養。若諸菩薩現有少分可供財物。興悲愍心。故思施與貧苦。少福無力有情。令於如來若制多所。持用供養。願彼當來多受安樂。彼得此物供養如來。及以制多。菩薩於斯自無所供。當知是名菩薩唯教他設供養。此中菩薩若唯自供佛及制多。應知獲得廣大福果。若唯教他。應知獲得大大福果。若能自他俱共供養。應知獲得最大福果。爲無有上。若諸菩薩於如來所。若制多。所以諸衣服飲食臥具病緣醫藥供身什物。敬問禮拜奉迎合掌。種種熏香末香塗香華鬘伎樂幢蓋旛燈歌頌稱讚。五輪歸命趨遠右旋而爲供養。或復奉施無盡財供。或復奉施末尼眞珠琉璃螺貝璧玉珊瑚車渠馬瑙虎魄金銀赤珠右旋如是等寶。或復奉施末尼環玞寶璣印等諸莊嚴具。乃至奉施種種寶鈴。或散珍奇。或纏寶縷而爲供養。是名菩薩於如來所。若制多。所財敬供養。若諸菩薩於如來所。若制多。所長時施設。即上所陳財敬供養。若多供具。若妙供具。若現在前不現在前。若自作教他造作。若淳淨心猛利勝解。現前供養。即以如是所種善根。迴向無上正等菩提。如是七種說名菩薩廣大供養。若諸菩薩於如來所。若制多。所自手供養。不壞輕慢。令他供養。不住放逸懈惰。不敬而爲供養。不輕棄擲不散漫心。無雜染心而爲供養。不於信佛國王大臣諸貴勝前。爲財敬故。詐設種種虛事供養。不雌黃塗不酥灌洗。不以種種局囁羅香。遏迦華等餘不淨物而爲供養。如是六種說名菩薩無染供養。又諸菩薩如是財敬廣大無染供養。如來及制多時。或自臂力所集財寶。或從他求所獲財寶。或得衆具自在財寶。能爲如是種種供養。已得衆具自在菩薩。化作化身。或一或二。或復衆多。乃至百千俱胝等數。

此一切身皆於如來及制多所恭敬禮拜。復從如是一一化身化出多手。或百或千或過是數。此一切手皆持無量出過諸天上妙華香殊勝可愛種種珍寶。奉散如來及制多所。復從如是一切化身化出無量上妙音聲。歌讚如來廣大甚深真實功德。復從如是一切化身化出無量最上妙妙環珞璫印寶莊嚴具。幢蓋幡燈種種供具。供養如來及以制多如是等類。已得衆具自在。菩薩所設供養皆屬自心。如是菩薩不更希求如來出世。何以故。由此菩薩已我證入不退轉地。一切佛土往來供養皆無礙。故又諸菩薩若無自力所集財寶。亦無從他求得財寶及無菩薩所獲衆具自在財寶。可設供養。然於所有或瞻部洲或四大洲或千世界二千世界或復三千大千世界乃至十方無邊無際諸世界中下中上品供養如來一切供具。菩薩於彼以淨信俱勝解俱心周遍思惟一切隨喜。如是菩薩少用功力而興無邊廣大供養。攝受菩提廣大資糧。菩薩於此恒常無間起眞善心起歡喜心常勤修學。若諸菩薩少時少時須臾須臾乃至下如溝牛乳頃。普於一切蠢動有情修習慈悲喜捨俱心於一切行修無常想無常苦想苦無我想。於其涅槃修勝利想。於佛法僧波羅蜜多修習隨念少時少時須臾須臾於一切法發生少分下劣忍智信解離言法性眞如起無分別無相心住。何況於此若過若增如是守護菩薩所受尸羅律儀。於背摩他毗鉢舍那菩提分法精勤修學。亦於一切波羅蜜多及諸攝事正勤修學。是名菩薩於如來所正行供養。如是供養爲最第一最上最勝最妙無上如是供養過前所說具一切種財敬供養百倍千倍乃至卽波尼殺曇倍。由此十相應知是名具一切種供養如來如供養佛如是供養若法若僧隨其所應當知亦爾如是菩薩於三寶所由十種相興供養時應緣如來發起六種增上意樂。一者無上大功德田增上意樂。二者無上有大恩德增上意樂。三者一切無足二足及多足等有情中尊增上意樂。四者猶如卽曇妙華極難值遇增上意樂。五者獨一出現三千大千世界增上意樂。六者一切世出世間功德圓滿一切義依增上意樂。由是六種增上意樂於如來所若於如來法所僧所少分思惟而興供養。尚獲無量大功德果。何況其多復次菩薩成就幾相能爲善友。由幾種相善友不虛成就幾相令善友性作信依處。復有幾種善友菩薩於所化生爲善友事。菩薩幾種親近善友。由幾種想於善友所聽聞正法。由幾種處於善友所聽聞法時於說法師不作異意。當知菩薩或就八支能爲善友衆相圓滿。一者住戒於諸菩薩律儀戒中妙善安住無缺無穿。二者多聞覺慧成就三者具證得